

En primera persona

Xabier Macías
Psicólogo

«Moitas persoas viviron a ameaza de perder a casa, e aínda acontece hoxe»

O Colexio de Psicoloxía quere potenciar a intervención realizada 15 meses en Santiago

JOEL GÓMEZ
SANTIAGO / LA VOZ

A angustia e as preocupacións de persoas e familias de Santiago pola posibilidade de perder a vivenda que tentaban comprar ou que tiñan alugada, ao non poderen pagar a hipoteca ou a renda mensual, foi un dos principais ámbitos de actuación de Xabier Macías en 2016 e 2017, como profesional seleccionado polo Colexio Oficial de Psicoloxía de Galicia (COPG), para participar nun convenio co Concello e co Colexio de Avogados. «Desde os inicios da crise aumentaron os problemas e moitas persoas viviron a ameaza de perder a vivenda, aínda acontece hoxe. E as dificultades son maiores sobre todo para colectivos estigmatizados ou en situacións de vulnerabilidade social», manifesta Macías.

Foi un proceso que principiou cun protocolo dos concellos de Santiago, Ames e Teo para actuar na prevención de desafuzamentos e para a atención das persoas afectadas polos mesmos. Despois, o de Santiago asinou convenios co COPG e co Colexio de Avogados, para implantar un programa piloto de actuación, que funcionou 15 meses, en 2016 e 2017, e foi pioneiro en Galicia. O COPG quere recuperar esa experiencia de novo en Compostela, e que se asuma en máis concellos, di a decana, Rosa Álvarez.

«A idea era ofrecer novos recursos, sobre todo nos niveis preventivo e de actuación comunitaria en relación ao tema da vivenda, para complementar os que xa funcionaban no Concello», explica Macías.

Nese tempo, refire, «traballei con comunidades veciñais de vivendas sociais e con casos que nos derivaban os servizos sociais,



Macías traballou en Santiago con profesionais do Concello e do Colexio de Avogados. SANDRA ALONSO

alén de actuacións máis particulares e individuais para o acompañamento e apoio de persoas en risco de perda da vivenda, ou con problemas graves por ter que asumir como a perdían».

Desa actividade resalta que «en 2017 tiveron 44 reunións con presidentes e representantes de 6 comunidades veciñais de vivendas sociais; e atendín 238 actuacións diferentes con 25 casos individuais e de familias, coa coordinación técnica dos servizos sociais comunitarios, que tiñan un equipo formado por 4 educadoras sociais e 4 traballadoras sociais. Deses 25 casos, 10 eran familias en risco de desafuzamento, 8 con conflictividade veciñal, e 7 con problemas de adaptación ou de procura de vivenda. O resultado foi especialmente positivo en 8 casos, porque se conseguiron solucións; e en 6 máis houbo unha contención ou ralentización do problema», indica.

Xabier Macías. Foi decano do Colexio Oficial de Psicoloxía. Exerce na intervención social e comunitaria municipal.

Convenio. Participou nunha experiencia pioneira, con persoas e familias de Santiago con problemas de vivenda, co Concello e co Colexio de Avogados.

Foron actuacións «de acompañamento, asesoramento e apoio na procura dunha nova solución, para afrontar o problema da perda da vivenda. No ámbito da vivenda social, constatee tamén a necesidade dalgún programa ou recurso para o seguimento dos casos de dificultade por parte do Instituto Galego de Vivenda e Solo, pois despois da adxudicación dunha vivenda social non hai ningún servizo autonómico

con técnicos sociais que fagan o seguimento ás persoas ao se incorporaren ás comunidades veciñais, e iso agrava o problema».

Macías di que traballou sempre na intervención social e comunitaria, en concellos: «É un ámbito moi amplo, con moito espazo para profesionais da psicoloxía, de maneira complementaria aos servizos sociais ordinarios, para facer máis actuacións preventivas e comunitarias. Nesta experiencia de Santiago, nos servizos sociais agradecían a posibilidade dun traballo máis a medio prazo, menos condicionado pola urxencia. E os representantes das comunidades veciñais agradecían tamén o apoio para resolver conflitos ou problemas que se dan. O traballo interdisciplinario, con avogados e persoal dos servizos sociais, mellorará se hai continuidade, e favorecerá unha mellor prevención e intervención comunitaria», insiste.

A CONTRALUZ

Azul

Hay unas cuantas cosas en esta vida que me resultan especialmente indignantes. Una de ellas es la falta de sensibilidad con todas las cosas buenas que nos rodean, sobre todo si nos acompañan desde hace siglos y hacen que merezca la pena disfrutar del sentido de la vista. Escribo esto porque aún no he podido quitarme de la sesera el intenso azul, uno de mis colores preferidos, de la escultura de la Catedral de Santiago, insultantemente mutilada por una desgarradora y estúpida mezcla de gamba osada e infinita ignorancia.

Mientras Santiago rebosa piedra y arte, y por ello tenemos que sufrir atentados de este calibre, a unos cuantos kilómetros de carretera, en uno de los municipios en los que el cemento campó a sus anchas y escondió todo vestigio de buen gusto, un azul parecido, con un resultado diametralmente distinto, invadió una de esas inmensas paredes de enormes edificios gracias al ingenio de una de las artistas invitadas al DesOrdes Creativos de este año.

Hasta ahora, pensaba que, si vives rodeado de belleza, algo se te acaba pegando y si lo que te invade no resulta demasiado inspirador, puedes volverte tan gris como tu propio entorno. Pero, visto lo visto, la realidad es bien distinta, por lo que me sumo a la reflexión que hace años le escuché a un joven entrevistado: «Montamos esta asociación porque las cosas van muy mal, pero aún pueden ir a peor».

Esto debieron pensar en Ordes hace más de diez años, y al igual que al promotor de un festival que me dejó esta frase para el recuerdo, el tiempo les ha dado la razón y a mí deja en la retina todo lo bueno y lo malo que se puede hacer con un poco de pintura azul.

“CERCA DE USTED, APORTANDO SEGURIDAD Y SOLUCIONES RÁPIDAS Y EFICACES PARA SUS ENVÍOS”

Tel. Atención al cliente:
986 59 20 16

PAQUETERÍA
GRUPO JORGE RAMOS

25 años
1991-2016

**SILLEDA
A ESTRADA**